



Теңізшевройл Деректер мен дәйектер

2022 жылдың бірінші тоқсаны бойынша мәлімет

Тарих/Қатысушылар

- Әлемдегі ең терең және ірі мұнай кеніштерінің бірі болып саналатын Теңіз мұнай кеніші 1979 жылы ашылды.
- «Теңізшевройл» жауапкершілігі шектеулі серіктестігі (әрі қарай - ТШО) 1993 жылы 6 сәуірде Қазақстан Республикасы мен «Шеврон» компаниясы арасында жасалған келісім негізінде құрылды.
- Қазіргі таңдағы ТШО серіктестері: «Шеврон» - 50%, «ҚазМұнайГаз» ҰҚ» АҚ - 20%, «ЭксонМобил Қазақстан Венчурс Инк.» - 25% және «ЛукАрко» БК - 5%.

Өнім өндіру/Қорлар

- Теңіз коллекторының жалпы барланған қоры 3,1 миллиард тонна (25 миллиард баррель), ал Королев кен алаңында 200 миллион тонна (1,6 миллиард баррель) мұнайды құрайды.
- Теңіз және Королев кеніштерінен алынатын мұнай қоры 1,4 миллиард тонна (11,5 миллиард баррель) құрайды.
- Теңіз коллекторының ені 20 шақырым (12 миль), ұзындығы 21 шақырым (13 миль).
- ТШО 2008 жылы Шикі газ айдау және Екінші буын зауыты (ШГА/ЕБЗ) жобасын аяқтап, нәтижесінде мұнай өндірудің тәуліктік көлемін шамамен 80 мың тоннаға (640 мың баррель), ал табиғи газды 25 миллион текше метрге (870 миллион текше фут) жеткізді.
- 2022 жылдың бірінші тоқсанында шикі мұнай өндіру көлемі 7,3 миллион тоннаны (58,1 миллион баррель) құрады.

Денсаулық сақтау, өнеркәсіп қауіпсіздігі және қоршаған ортаны қорғау

- ТШО 2000 жылдан бері табиғат қорғау шараларын жүзеге асыруға 3,15 миллиардтан астам АҚШ доллары көлемінде инвестиция салды.
- 2000 жылдан бері өндірілген мұнайдың бір тоннасына шаққандағы атмосфераға жіберілген шығарындылардың көлемі 65%-ға азайды.
- ТШО 2022 жылдың бірінші тоқсанында өндірілген газдың 99%-ын кәдеге жаратты.
- 2022 жылдың бірінші тоқсанында суды қайтадан пайдалану көрсеткіші 46%-ды құрады. ТШО тұрмыстық ағын суларды кәдеге жарату, өнеркәсіптік мақсатта тазарту және қайта пайдалану арқылы суды үнемдеу бағытындағы іс-шараларды одан әрі жүзеге асыруды жалғастыруда.
- ТШО қалдықтардың 35-тен аса түрін қайта өңдеуге жібереді. 2022 жылдың бірінші тоқсаны соңында қалдықтарды қайта өңдеу бойынша жалпы көрсеткіш 49%-ға жетті.

Өнімдерді өткізу

- ТШО 2022 жылдың бірінші тоқсанында 283 мың тоннадан астам сұйытылған газ, 539 миллион текше метр құрғақ газ, сондай-ақ 627 мың тоннадан аса күкірт өткізді.

Қазақстан Республикасы экономикасына қосқан үлесі

- 1993 жылдан бастап 2022 жылдың бірінші тоқсаны дейінгі аралықта ТШО-ның Қазақстан Республикасына тікелей қаржылай салымы кәсіпорынның жергілікті қызметкерлеріне төленген еңбекақыны, қазақстандық тауар өндірушілер мен қамтушылардың өнімдері мен қызметтерін сатып алуға жұмсалған қаржыны, мемлекеттік кәсіпорындарға аударылатын төлемдер, қазақстандық серіктеске бөлінген дивидендтер, сонымен қатар мемлекеттік бюджетке аударылған салық және роялтиді қоса алғанда 164 миллиардтан астам АҚШ долларын құрады.
- 2022 жылдың бірінші тоқсанында ТШО-ның Қазақстанға төлеген тікелей қаржы көлемі 2,8 миллиард АҚШ долларын құрады.
- 2022 жылы бірінші тоқсанында 910 миллион АҚШ долларына қазақстандық қамтушылардың тауарлары мен қызметтері сатып алынды, оның 617 миллион АҚШ доллардан астамы ККЖ-ҰЕҚБЖ (Келешек кеңею жобасы – Ұңғы ернеуіндегі қысымды басқару жобасы) шеңберінде жұмсалды.
- 1993 жылдан бері 40,9 миллиардтан астам АҚШ долларына қазақстандық қамтушылардың тауарлары мен қызметтерін сатып алынды.



Теңізшевройл Деректер мен дәйектер

2022 жылдың бірінші тоқсаны бойынша мәлімет

Қызметкерлерді шыңдау

- Негізгі өндіріс пен КҚЖ-ҰЕҚБЖ-да жұмыс істейтін қазақстандық қызметкерлердің үлесі 88,5%-ды құрайды. КҚЖ-ҰЕҚБЖ қызметкерлерін есепке алмағанда, ТШО қызметкерлерінің 93,9%-ы қазақстандықтар. 1993 жылы бұл көрсеткіш 50% болатын.
- Жалпы басшылық құрамдағы жоғары және орта буын жетекшілердің 77,3%-ын қазақстандықтар құрайды. КҚЖ-ҰЕҚБЖ-ны есепке алмағанда қазақстандық жоғары және орта буын басшылардың жалпы үлесі 87,3%. Анағұрлым жауапты басшылық лауазымдарға кадрларды оқыту және шыңдау жөніндегі тұрақты бағдарламалар нәтижесінде жергілікті қызметкерлер көбірек тартылуда.

Әлеуметтік салаға үлес

- ТШО 1993 жылдан бері өз қызметкерлері мен Атырау облысы тұрғындардың игілігіне бағытталған түрлі әлеуметтік жобаларға 2,3 миллиард АҚШ долларынан астам қаржы жұмсады.
- «Игілік» ерікті әлеуметтік инфрақұрылым бағдарламасының 2022 жылғы бюджеті 30 миллион АҚШ долларын құрады. Аталмыш қаржының негізгі бөлігі Атырау облысындағы балабақшалар, мектептер және басқа да әлеуметтік нысандардың құрылысына бағытталады.
- 2022 жылы Атырау облысы және Боранқұл ауылында (Маңғыстау облысы) денсаулық сақтау, білім беру сапасын көтеру және әлеуметтік кәсіпкерлікті дамыту мақсатында кәсіпорынның әлеуметтік инвестициялар бағдарламасы шеңберінде 2,3 миллион АҚШ долларынан астам қаржы бөлінді.
- ТШО пандемия басталғалы бері Атырау облысында коронавируспен күресу, тұрғындарды қолдау және медициналық құрал-жабдықтарды сатып алу үшін 18 миллион АҚШ долларынан астам (7,7 миллиард теңге) қаржы жұмсады.

Келешек кеңею жобасы – Ұңғы ернеуіндегі қысымды басқару жобасы

- *Жалпы мағлұмат* ТШО серіктестері 2016 жылы Теңіз кен орнының өндірістік қуаттылығын арттырудың келесі кезеңі болып табылатын Келешек кеңею жобасы мен Ұңғы ернеуіндегі қысымды басқару жобасын (КҚЖ-ҰЕҚБЖ) қаржыландыруға қатысты қорытынды шешімнің қабылданғаны туралы хабарлады.
- КҚЖ мұнай өндіру көлемін жылына шамамен 12 миллион тоннаға немесе тәулігіне 260 мың баррельге арттырмақ. Мұнай өндірудің жалпы көлемі жылына шамамен 39 миллион тоннаны немесе тәулігіне 850 мың баррельді құрайды.
- ҰЕҚБЖ кеніштегі ұңғы ернеуіндегі қысымды төмендетіп, өнім зауытқа жеткен кезде қолданыстағы алты технологиялық желінің кіре берісіндегі қысымды көтеру арқылы Теңіз кен орнындағы қолданыстағы зауыттарды толық қуатта ұстап тұратын болады.

Қазақстандық қамту

- ТШО КҚЖ-ҰЕҚБЖ жүзеге асырыла бастағаннан бері қазақстандық тауарлар мен қызметтерді сатып алуға 13,6 миллиардтан астам АҚШ долларын жұмсады.

Жоба бойынша жұмыстардың орындалу барысы

- Жобаның басты жетістіктерінің бірі - өндірісті басқарудың біріктірілген орталығын (ӨББО) көшіру аяқталды, 55-шоғырланған ұңғы алаңы өндіріске дайын, енді «Базовая» қосалқы станциясы ТШО үшін орталық электрмен жабдықтау торабы болуда.
- Жоба 90%-ға аяқталды, ал қалған жұмыс көлемі Теңізге бағытталған.
- КҚЖ-ҰЕҚБЖ – бұл білікті мамандарды даярлау, шетелдік компаниялармен серіктестік қатынас орнату арқылы технология алмасу және жергілікті инфрақұрылымды жаңғырту түрінде мұра қалдыруға мүмкіндік беретін ұлттық маңызға ие жоба.